



## **BASES DA I GALA DO DEPORTE MUNICIPAL DO CONCELLO DE OUTES**

Con obxecto de agradecer e recoñecer a labor deportiva de persoas, organismos, institucións públicas e entidades privadas que contribúen de forma notoria ó fomento e promoción da práctica deportiva no noso concello, queremos celebrar a I Gala do Deporte do Concello de Outes.

Esta Gala nace do orgullo que sentimos dende o noso concello da labor que fan desinteresadamente algunhas persoas e institucións así como o exemplo dos propios deportistas que fan do Deporte unha forma de vida, conseguindo non só facer unha actividade física, se non tamén uns valores de traballo, constancia, sacrificio, organización e sociabilidade, que sen dúbida os acompañarán durante toda a súa vida.

Os premios da I Gala do Deporte Municipal do Concello de Outes rexeranse polas seguintes bases:

### **ARTIGO 1.- OBXECTO**

O obxectivo principal deste acto é recoñecer publicamente ó esforzo, a dedicación, a entrega e en definitiva os valores que o deporte supón.

### **ARTIGO 2.- REQUISITOS**

Os candidatos ás 4 primeiras categorías deberán estar empadroados/as en Outes dende o ano anterior á gala. O resto dos candidatos deberán cumprir polo menos UN dos seguintes requisitos no caso de optar a algún dos recoñecementos:

- 1) Pertencer a equipos do concello ou que proceda dos equipos de base de Outes.
- 2) Clubs ou entidades deportivas que desenvolvan ás súas actividades en Outes.
- 3) Persoas físicas ou xurídicas que de algunha forma estean vinculadas á información, promoción e fomento do deporte no concello de Outes
- 4) Ser nativo de Outes e por circunstancias excepcionais, non teña realizado deporte en Outes, pero que a xuízo da Comisión Técnica Deportiva, poida ser nomeado a algún dos premios.

### **ARTIGO 3.- RECOÑECEMENTOS**

- 1) **Mellor Deportista Outense 2022/2023** (masculino e feminino) Poderán concorrer a convocatoria aqueles deportistas que a título individual destacaran polos seus logros, éxitos, triunfos deportivos durante o ano en vigor ou tempada anterior segundo modelo de competición.
- 2) **Mellor Deportista PROMESA OUTENSE** (masculino e feminino, menor de 16 anos) Poderán concorrer a convocatoria aqueles deportistas que a título individual destacaran polos seus logros, éxitos, triunfos deportivos durante o ano en vigor ou tempada anterior segundo modelo de competición. Nesta categoría concorrerán aqueles deportistas que no ano actual sexan menores de 16 anos.
- 3) **Mellor Adestrador / Adestradora.-** Poderán concorrer a esta convocatoria calquera técnico que forme parte de calquera entidade deportiva do noso concello ou aqueles que sendo do noso concello estean facendo a súa labor noutros concellos na tempada anterior ou ano en curso segundo a competición.



- 4) **Mellor Equipo Outense de unha Entidade Deportiva.** Concorrerán a este premio aqueles equipos formados polo menos por 2 deportistas, xogando en equipo e que destacasen polos seus logros durante o presente ano ou tempada anterior, segundo a competición.
- 5) **Mellor club, Asociación, ou entidade deportiva .-** Concorrerán a esta categoría aquelas entidades que desenvolvan a súa actividade no noso concello e primará sobre todo nesta categoría a labor feita cos nenos e nenas de idades máis pequenas, e o fomento do deporte feminino.
- 6) **Premio o Patrocinio e colaboración co Deporte.** Nesta categoría valoraranse aquelas entidades públicas ou privadas que estean legalmente constituídas, domiciliadas no noso concello ou que estando noutros municipios patrocinen e/ou apoien dalgunha forma os equipos e/ou clubs ou escolas deportivas do noso concello.
- 7) **Premio ó Mellor Evento do ANO.-** nesta categoría valorarase o evento realizado no noso concello, organizado ou non por entidades deportivas do mesmo, que realcen o deporte outense e a imaxe de Outes mais alá do meramente deportivo.
- 8) **Mencións Especiais .-** A Comisión Técnica Deportiva poderá outorgar para unha persoa ou entidade que, aínda non sendo deportistas, estea ou estivese relacionado co deporte de Outes, a través dalgún club ou que promovese dalgunha forma Outes a través do Deporte.

#### **ARTIGO 4. CANDIDATURAS**

Calquera club, institución ou asociación, outras entidades e a propia veciñanza poderán propoñer ás distintas categorías os nomes que considerasen oportunos, cun máximo de 2 candidaturas por categoría, debidamente documentados en canto a méritos contraídos. Tódalas propostas deberán presentarse debidamente argumentadas nos impresos ANEXO I e ANEXO II co maior número de datos posibles dos logros acadados na tempada anterior ou ano natural segundo a competición.

A Comisión Técnica formada polo menos por 3 representantes de organizacións deportivas do noso municipio, poderá nomear no apartado de mencións especiais, a quen crean axeitado, sempre xustificando os méritos ou labores deportivas. Esta Comisión Técnica designará entre tódalas candidaturas ós 3 finalistas a cada unha das categorías. Así mesmo, resérvase o dereito de suprimir, modificar ou ampliar as distintas categorías ou premios. Así como tamén de solicitar acreditación ou xustificación dos logros acadados na tempada correspondente.

As CANDIDATURAS deberán presentarse dentro dos prazos previstos, segundo a convocatoria. Toda candidatura asumirá as normas de participación e aceptará o proceso e veredicto final do Xurado

\* Toda candidatura que resultase premiada, non poderá ser presentada na mesma categoría na seguinte edición da Gala do Deporte.

#### **ARTIGO 5. O XURADO**

O xurado desta primeira edición da “Gala do deporte municipal de Outes” estará composto por :

Presidente: O Alcalde de Outes ou Concelleiro de deportes  
Secretario: 1 Técnico municipal (preferiblemente de Deportes)  
Membros : 1 membro de Protección Civil de Outes  
1 Suplente



## **ARTIGO 6. CALENDARIO**

Nomeamento da Comisión Técnica Deportiva. 23 – 30 de Outubro

Presentación da Gala.- 3 de Novembro

Data de recepción de Candidaturas : Dende o 6 ata ó 30 de Novembro, presentadas na dirección de correo electrónico [deportes@outes.gal](mailto:deportes@outes.gal) ou dando entrada de rexistro, ben sexa de forma presencial ou electrónica.

Datas de reunión da Comisión Técnica: Do 1 ó 16 de Nadal.

Farase pública a lista dos/as aspirantes na semana seguinte a decisión da Comisión Técnica

Data de Reunión do Xurado. A semana anterior á Gala.

Celebración da Gala do Deporte SÁBADO 30 de decembro 2023 ás 20:00 h.

## **ARTIGO 7. MADRIÑA ou PADRIÑO DA GALA**

Esta gala tentará ter unha madriña ou padriño, que será un deportista de renome a nivel Local, Provincial, Autonómico ou Nacional/Internacional, que dea notoriedade a mesma e que sirva de exemplo para todos os deportistas do noso concello.

